



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KT 0038212 25
Travnik, 09.04.2026.godine

OPĆINSKOM SUDU U JAJCU
- Sudiji za prethodno saslušanje -

Na osnovu odredbe člana 45. stav 2. tačka „i“ člana 241 stav 1 Zakona o krivičnom postupku Federacije Bosne i Hercegovine, p o d i ž e m

OPTUŽNICU

Potvrđena dana 21.04.2026. godine

Protiv:

S.Ž.

Što je:

Dana 12.08.2025.godine oko 03,00 u mjestu Zastinje, lokalitet Kraljev grob, općina Jajce, ošteti važan industrijski objekat, napravu za sustav veze, komunikacijski objekat Kraljev grob u vlasništvu BH Radio televizije koji je ugovorom predat na korištenje MUP-u SBK Travnik za video nadzor općine Jajce i napajanje siglanom LPR kamera na području općine Jajce, i time izazvao zastoje u radu video nadzora općine Jajce i nadzor prometa na području općine Jajce preko LPR kamera, na način da je došao u blizinu instaliranog komunikacijskog objekta koji je od vikend objekta u kojoj boravi nedaleko udaljen, visine 3m i širine 1,5m sa ravnim krovom i obezbjeđenim ulaznim metalnim vratima u kojem su instalirani elektronski komunikacijski uređaji povezani mrežnim kablovima sa lijeve i desne strane iz tog objekta sa komunikacijskim objektom repetitorom širine oko 1m i neutvrđene visine sagrađen od četvrtaste metalne konstrukcije postavljen do tog objekta, i sa ciljem da izvrši presijecanje tih mrežnih kablova postavljenih ispod krova tog objekta, uz zid tog objekta postavio je betonski element preko kojeg se popeo i pomoću podesnog predmeta sa sječivom izvršio presijecanje 6 (šest) mrežnih kablova i to 3 (tri) plave boje oznake „Cat 6A

4x2xAW 3237/1“ namijenjeni za nadzor prometa na području općine Jajce preko tzv. LPR kamera i 3 (tri) mrežna kabla crne boje „UC 300CAT 5 E“ namijenjeni za video nadzor općine Jajce, svjestan da presijecanjem mrežnog kabla oštećuje važan industrijski objekat namijenjen za sustav veze, što je i htio, a zatim je nakon presijecanja kabla oduzeo i prisvojio oko 150m presječenog kabla kojeg je pomoću podesnog sredstva i fizičke snage isjekao na manje dužine od 55cm do 85 cm iz kojih je, nakon što je uklonio plastične obloge sa kabla izvukao bakarni vodič, a skinute plastične obloge stavio u pvc vrećice koje je odbacio u šiblje nedaleko od kuće u kojoj boravi, svjestan da u namjeri pribavljanja protupravne imovinske koristi oduzima tuđu pokretninu, što je i htio, na koji način je isključio iz rada naprave za sustav veze u korištenju MUP-a SBK Travnik i time izazvao prekid signala bežične mreže, video nadzora na području općine Jajce i poremećaj u redovnom životu građana, a iz oduzetog i prisvojenog mrežnog kabla, u namjeri pribavljanja protupravne imovinske koristi, izvukao skupe bakarne vodiče, i na taj način ošteti MUP SBK Travnik za iznos od 2.770,44 KM.

Dakle, presijecanjem mrežnih kablova koji služe kao bežični signal za video nadzor na području općine Jajce ošteti važan industrijski objekat i naprave za sustav veze koje je na taj način isključio iz rada i time izazvao poremećaj u redovnom životu građana i otuđenjem bakarnih vodiča iz mrežnih kablova u namjeri pribavljanja protupravne imovinske koristi oduzeo tuđu pokretninu.

Čime je krivično djelo Uništenje ili oštećenje važnih privrednih objekata ili javnih naprava iz člana 324. stav 2. u vezi sa stavom 1. u sticaju sa krivičnim djelom Krađe iz člana 286. stav 1. KZ F BiH.

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom